



21. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Timip atortuanik tunniussinermi (organdonation) sulinngiffeqarnermi aningaasanik annaasaqarnermut tunngatillugu nunatsinni inatsisit qanoq ippat?

2. Timip atortuanik tunniussinermi (organdonation) sulinngiffeqarnermi aningaasanik annaasaqarnermut atatillugu ikiorsiisarnissaq nunani allani naalackersuisut nunat killeqarfii akimorlugit qanoq suleqatigineqarpat?

3. Iluemoorsinnaava Namminersornerullutik oqartussat tunniussisumit soorlu Danmarkimeersumit sulinngiffeqarnermi aningaasanik annaasaqarneranut tapeerusunngitsut, taamaassimappallu inatsisitigut suna tunngavigineqarpa sunalu peqqutaava?

4. Suliamut allanik soqutiginaatilinnik paasissutissaqarpat ersarisaaqquneqarput.

(Inatsisartunut ilaasortaq Justus Hansen, Demokraatit)

Tunngavilersuut

Timip atortuanik tunniussineq inuppassuit inuunerannik annassisuusarnera qularnanngilaq. Timip atortui ilai toqunikumiit inuusumut taamaallaat tunniunneqarsinnaasarput, taamaattorli pateq tartullu inuusumiit inuusumut tunniunneqarsinnaasarput.

Tassunga atatillugu tunniussisoq piffissami aaliagersimasumi suliffimminut napparsimanermik nalunaaruteqartariaqassaaq, isumangalu malillugu, taammattoqartillugu tunniussisoq sulisitsisorlu aningaasat tungaatigut artukkerneqassanngillat.

Taamaammat inatsisit maanna atuuttut ilisimasaqarluarfiginissaat soqutiginarippara. Tamatumuunalu soqutiginarippara paasiniassallugu, Namminersornerullutik oqartussat tunniussup taassumallu suliffeqarfiata nunanit allaneersut sulinngiffeqarnermi aningaasanik annaasaqaataasartunik akileerusunnginnerat qanoq ilumoortiginnaanersoq. Inuup inuuneranik annaassiniarluta taamatut tapiisinnaannginnerput eqqumiigeqara.

Kissaatigaara apeqqutima ullut sulliviit naliginnaasut qulit iluanni akineqarnissaat.